



19. marts 2010

Inatsisartut suleriaasianni § 36 imm. 1 naapertorlugu Naalackersuisunut apequtit imaattut matumuuna saqqummiuppakka:

**Naalackersuisunut apequt:**

**Nunatsinni suliffeqarfinit anginernit, soorlu pisortat suliffeqarfiutaannit assigiinngitsunit, A/S INI-mit, sillimmasiisarfinit, Air Greenland-imit, Royal Greenland-imit, allanillu suliffeqarfinit nunatsinni innuttaasunut allakkat pinngitsoornatik aamma kalaallisut allaqqanissaannik Naalackersuisut piumasaqalikkersaarpat?**

(Inatsisartuni ilaasortaq Karl Lyberth, Siumut)

**Tunngavilersuut:**

Nunatsinni innuttaasugut tamatta suli misigisarparput suliffeqarfinit assigiinngitsunit allagarsisarluta qallunaatuinnaq allaqqasunik. Assersuutiginnarlugu sillimmasiisarfiit nunatsinni sullitaminnut paasissutissanik assigiinngitsunik nassitsisarput qallunaatuinnavik allaqqasunik.

Pissutsit tamakku suli nunatsinni atuummata assut ilungersunartutut taasariaqarput, minnerpaannguamillu akuerineqarsinnaanatik. Pingaartumik innuttaasut qallunaatut paasinnippiarsinnaanngitsut eqqarsaatigalugit, uani utoqqartavut amerlasuut eqqaaginnarneqarsinnaapput, allakkat assigiinngitsut kalaallisut allaqqasanninneri ilungersunartutut taasariaqarput!

Taamaattumik paaserusunnarpoq ajornartorsiut taanna annertoq pillugu Naalackersuisut qanoq iliuuseqarniarnersut, isumaqavikkamami isiginngitsuusaaginnarneqarsinnaanngitsoq nunatsinni innuttaasunut allakkat amerlasuutigut qallunaatuinnaq allaqqaneri.

Kalaallit nunatsinni innuttaasunut allakkat pinngitsoornatik kalaallisut allaqqasariaqarput – allatut iliorneq kalaalermut, kalaallisullu oqaatsitsinnut mitalliineruvoq akuerineqarsinnaanngitsoq piaarnerpaamik aaqittariaqartoq!